

華東民俗文獻 第八卷

中國華東文獻叢書



中國華東文獻叢書·第四輯

華東民俗文獻

第八卷

甘肅省古籍文獻整理編譯中心
中國華東文獻叢書編輯委員會
編



本卷目錄

武林風俗記	〔清〕王 同撰	〇〇三
會稽三賦	〔宋〕王十朋撰	二三三
越諺	〔清〕范 寅撰	三五七

【清】王同撰

武林風俗記

〔清〕王同撰。王同，生卒不詳，字同伯，清杭州人，家富藏書。所著有《杭州三書院紀略》四卷、《唐樓志》二十一卷、《杭州塵談》等。《武林風俗記》書中以詩歌題咏雜文，敘述鄉土風俗之由來，對后世研究杭州風俗有重要價值。本書選用自杭州圖書館輯《杭州史地叢書》。

武林風俗記序

歲時風俗之作。昉於禮記月令篇。呂覽十二紀。繼之者。實繁有徒。然皆雜廁羣籍。散而無統。覽者病焉。嗣後。勒為專書者。則有四民月令。玉燭寶典。歲時廣記。歲華紀麗。月令通考。月令廣義。風土記。日涉編。荆楚歲時記。華陽風俗錄。金門歲節記。秦中歲時記。岳陽風土記。諸書。林林總總。更僕難數。其中有總述舉國者。有分記一地者。其為專叙歲華記風土。則一也。武林為南宋故都。百數十年來。雖偏安一隅。而民此豐物。阜靡華相尚。若吳自牧之夢梁錄。周密之武林舊事。

田汝成之西湖游覽志暨志餘等四庫提要所謂諸書之歲時風俗特詳者也。然非特為一書，其專叙歲華者有乾淳歲時記，而年祀遼遠，今昔異俗，矧自元明清以來，杭州為省會所在，東南都會，首推蘇杭，歷代郡縣志書、閭巷雜錄、詩文專集、稗官隲說，涉及杭地歲時風俗者，不可殫述，詎可任其散佚，不加網羅，書為一帙乎？此武林風俗記二卷，實繼乾淳歲時記而作為專紀杭地歲時風俗之編，其內容之弘富，搜輯之賅備，視前者不啻倍蓰，是書為王同所撰，同字同伯，清季杭州人家富藏書，閭鄉邦文獻所著有杭

州三書院紀畧四卷補一卷又杭州塵談不分卷塘
棲志二十卷皆已刊行是編以十二月為綱月以朔
迄晦為目佳辰令節鋪叙其間而以詩詞題咏雜文
附諸簡末並稽其鄉土風俗之由來縷述靡遺蒐採
羣籍各注所出武林風俗掌故當以此書為嚆矢語
有之入境問俗適地觀風是書也亦為後之采問杭
俗者所不廢歟此書現藏杭州市圖書館係原稿本
朱絲欄端楷書淳籤補條特夥想見撫拾羣書隨時
損益述作之勤蓋可知也末有其子綺一跋杭館鑒
是書於杭地采風問俗者之價值甚高故特檢付複

武林風俗記

印、公諸同好。余喜杭館能以流通古籍為職志。因思
杭館度藏鄉邦文獻書籍至夥也。行見陸續傳布。他
日方駕武林掌故叢編而上之。亦指顧間事。此特其
發軔之始耳。爰書數語。以為息壤。癸亥夏日。紹興陳
覺民序。

武林風俗記 卷上

清杭州王 同撰

正月

元旦先一日灑掃庭內雞初鳴羅列花綵糕果等物
於各神家廟影堂前先以米團糖豆祀竈名曰接竈
祀畢以米團餉衆謂之歡喜團次迎歲神次拜各神
暨祖先前徧燃香燭三日夕惟影堂則兼供茶飯至
燈後始罷次家衆聚立中堂年幼拜賀尊長禮畢男
子出拜宗黨親友謂之賀節家設酒棧延客酒三五
行即辭出亦有盡醉而歸按縣志是日中堂架松柴

於爐中，繼以栗炭，各置柏枝二大束於神前。晨興，則以六月六日所取馬齒莧蒸熟食之。其次序則自最幼至最老，蓋古人飲屠蘇酒之遺意也。州圖書集成杭州府風俗考正月朔日，官府望闕遙賀，禮畢，即盛服詣衙門往來交慶。民間則設奠於祠堂，次拜家長，為椒柏之酒，以待親戚隣里，以春餅為上供。糝栗炭於堂中，謂之旺相，貼青龍於左壁，謂之行春。揀芝麻梗於簷，謂之節高。發柏枝於桺餅，以大橘承之，謂之百事大吉。自此少年遊冶，翩翩微遜，至十八日收燈，然後子弟攻書，工人返肆，農商各執其業。西湖遊覽志餘

元旦燒告方喜神紙向方而拜凡出行者先兒喜神

方然後隨意命駕告無不利云武林新年雜咏題注

元旦食糕必解糲和之呼其名若高中然錢塘吳存
惜江鄉節

物詩
題注

京師兒童擊太平鼓吾杭則吹太平簫元旦即賣之

錢塘吳存惜江
鄉節物詩題注製如單管以供兒戲其類有竹喇叭

武林新年雜咏
太平簫題注

按元旦至燈節兒童戲具又有踢毬子放紙鳶及

耍貨面具等錢塘周天慶十誦齋集咏毬子云樂

事渾疑蹋鞠同輕軀端自愛翻風裁量鞵線縫剛

就小綴金絨態偶工，誰聞簾鉸遊靜女，廣場飛羽
逐游童，年來腰腳輸輕健，跨跳隨人技易窮。咏
紙寫云：晴空脉脉影霽霽，此事當年我最諳，斜挂
去天疑尺五，漸高如月見初三，長來愛趁東風軟，
歸後應知斗夢酣，游展莫忘勤檢惜，綠蕪紅藥滿
郊南。咏面具云：真假何當定有無，鬚眉變易祇
須臾，笋皮縛作顏何厚，鼓面題將貌自殊，聞雅但
從荀令惜，妖嬈多恐粵生俱，黎邱幻戲尋常事，歸
路逢人莫倩扶。又有咏擗蒲云：三梁六齒問依
稀，曲技何當重賜緋，食指最憐無下意，煞索深恨

未投機局中易雜閒悲喜人去寧論往是非畢竟
粗豪緣底事繞牀叫絕不如歸 咏陞官圖云也

從朝簿索簪紳頭德稱功緣未真偶據要津緣骨
相不安散地乞錢神三邊底用誇餘子一醉還堪

易告身猶有白頭江令在并況原自不由人 咏

狀元籌云傳臚頻唱顧何求彩戰爭看握勝籌上

第也應招俗妒高名原可及時收斬新花樣談何

易爛漫春光買得休終是浮榮解竊客閉門十日

誤清游則又及時羣戲者不僅兒童矣

年初三謂之小年朝仍燒松棚於圍爐中自元旦至

三日皆用赤豈飯并以供神謂之隔年飯云

欽定圖書集成

杭州府風俗考

小年朝之前一日晚上供隔年飯裡隔年火掃隔年

地錢唐范祖述杭州遺風評冬至節俗尚下

初三日後各攜酒饌紙錢展墓拜年其餘期不拘遲

早收燈後止

萬曆府志

按法苑珠林懸幡篇述曰黃色象金鬼神冥道將

為金用故解祠之時剪白紙錢鬼得銀錢用剪黃

紙錢得金錢用然則今所用金銀箔其來久矣

俗稱元旦為大年朝初三為小年朝閏亦峰詩爆竹